



الشاعر / صبحي مطاوع

.....

إبنى البكري

إبنى البكري اللى تعبنى وتاعب قلبي وشاغل فكري
سندي وضهري وروحي وقلبي وحياة ربي
عاوزك تقبل مني نصيحه إسمع مني بجد مريحه
إفهم ياابني عمري بيجري لازم تمشي ويا الريح
خليك دايمًا ياابني صريح جمد قلبك واحفظ ربك
تلاقيه دايمًا واقف جنبك وزى ما برضه بتاخذ ياابني
أعرف إنك لازم تدي شوف بقى ياابني
أنت حقيقي بجد تاعبنى إبنى حبيبي يامغابني

خائف ياابني عليك وإخواتك وسط آهاتك وابتسامتك
تاخذك منهم زهو حياتك تعمل زي القطر المجري
تفضل تجري وتجري وتجري ولا يصيبك إلا نصيبك
دنيا عجيبه بتقدر تغري أحمد ياابني ياللى تاعبني ومغلبني
والله عارف إنك طيب وأنت كمان من قلبي قريب
عاوزك كلمه تقولها لنفسك قولها خفي وعاوزك تهدي
إسمعي مني واوعى تردي وكمان تفتح صفحه جديدة
وتأخذ نقطه ف سطر وتكتب أنا مش هارجع ابص ورايا

أنا هاتقدم ربي معايا لسه الخير موجود جوايا
وادعي يارب تقبل توبتي أنت لوحده تقدر تهدي
شوف بقى ياابني والله عارف أنك قدري
وابني البكري اللي تاعبني وتاعب قلبي وشاغل فكري
